

SCRIPTA

Numéro Scripta : 4150

Auteur(s) : Louis IX, France (roi)

Bénéficiaire(s) : Bus-Saint-Rémy, Notre-Dame-du-Trésor (abbaye)

Genre d'acte : charte

Authenticité : non suspect

Datation : 1244, mars

Lieu d'émission : Pontoise

Action juridique : autre

Langue du texte : latin

Analyse

Louis [IX], roi de France, concède aux religieuses cisterciennes [du Trésor Notre-Dame] près de Baudemont un revenu annuel de 40 livres parisis de la prévôté de Meulan que la reine Blanche leur a donné.

Tableau de la tradition

Éditions principales

- a. Delisle Léopold, *Cartulaire normand de Philippe-Auguste, Louis VIII, Saint-Louis et Philippe le Hardi*, Caen, Hardel (MSAN ; 16, 2e série, 6, p. 160-390), 1852, n° 1167, p. 319-320.

Texte établi d'après a

Ludovicus, Dei gratia, Francorum rex. Notum facimus quod, cum carissima domina mater nostra Blancha, Francorum regina illustris, ob remedium animarum clare memorie Ludovici, quondam regis Francorum illustris, carissimi genitoris nostri, sui, et nostre, et antecessorum suorum et nostrorum, de voluntate nostra et assensu, dedit et concessit monialibus Cisterciensis ordinis servientibus Deo et Beate Marie, sito juxta Baudemontem, inter Gisortium et Vernonem, quadraginta libras parisiensium singulis annis percipiendas in dotalicio ipsius, in prepositura Mellenti, medietatem ad Ascensionem et aliam medietatem ad festum Omnium Sanctorum, ad victimum monialium predictarum, nos, predictas donationem et concessionem ratas habentes et gratas, et quia predicte quadraginta libre parisiensium anni redditus de nostra movebant hereditate, eas predictis monialibus concedimus in perpetuum et donamus, percipiendas singulis annis in predicta prepositura pacifice et quiete ad terminos supra scriptos, ita tamen quod de predictis quadraginta libris in die aniversarii carissime matris nostre regine dabitur predictis monialibus pitancia usque ad centum solidos, si opus fuerit, vel minus si sufficiat, et in die aniversarii nostri similiter fiet; volentes et precipientes ut, quicumque pro tempore prepositus Mellenti fuerit, si ad prefatos terminos non solverit redditum supradictum, pro quolibet die pro idem prepositus super hoc fuerit in defectu, quinque solidos parisiensium solvat de suo pro pena monialibus supradictis. In cuius rei testimonium, presentem paginam sigilli nostri munimine roboravi. Actum Pontisare, anno Domini millesimo ducentesimo quadragesimo tercio, mense marcio.